

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. xx, xx. xxxx 2019-imeersoq
(Aatsitassanut Suliffeqarnermullu Naalakkersuisoq)

Saqqummiussissut

(Aatsitassanut Suliffeqarnermullu Naalakkersuisoq)

Siullermeerneqarnera

Naalakkersuisut sinnerlugit matumuuna aatsitassanut ikummatissanullu inatsisip allanngortinneqarnissaanut siunnersuut saqqummiuppara.

Aatsitassanut ikummatissanullu inatsisip allanngortinneqarnissaanik siunnersuutigineqartumi piaanissamat akuersissummik tunineqarnissamat piumasaqaatitut, aatsitassanik peqarneranik uppernarsaanissamat piumasaqaatit qasukkartinneqarput. Taamaalilluni siunissami pisinnaatitsissummik pigisaqartut nunap sannaani peqarfimmik paasinarsisitsissasut, taamaallaat piumasaqaatigineqalissaaq, maannakkutut aammattaaq peqarfimmik aningaasarsiutugalugu piarneqarsinnaasumik paasinarsisitsinissaat piumasaqaataassanani. Taamaalilluni imminut akilersinnaassutsimik misissuineramik annertuumik aningaasartuuteqarfiusartumik, pisinnaatitsissummik pigisaqartut Naalakkersuisunut akuerineqartussanngorlugu nassiussissasut piumasaqaateqarfigineqarunnaassapput, aammalu aatsitassarsiorfissap imminut akilersinnaassusaata nalilersornissaa aningaasaliisartut aamma taarsigassarsitsisussat nammineq aalajangertalissavaat. Kalaallit Nunaanni pisinnaatitsissummik pigisaqartunut piumasaqaatit taamaalillutik nunani aatsitassanut inatsiseqartuni siuttuusunut arlalinnut sanillinneqarput.

Pifinnaatitsissummik pigisaqartup peqarfimmut paasinarsisinneqarsimasumut uppernarsaanissaa Naalakkersuisut suli piumasaqaatigisinnaavaat, aammalu tamatumunnga uppernarsaat suli Naalakkersuisunit akuerineqartussaassalluni.

Aammattaaq pisinnaatitsissummik pigisaqartut piaanissamat akuersissummik peqartut, piffissami akuersissuteqarfiusumi sumiiffimmi piaanissamat akuersissummi pineqartunut ilaasumi aatsitassarsiorluni ingerlatanik suliaqarnissamat siunnersuummi kisermaassisussaataalerput. Pisinnaatitsissummik pigisaqartup sumiiffimmi akuersissuteqarfiusumi piaanermik ingerlatassanik suliaqarnera taamaalilluni, allat piaanissamat akuersissut malillugu sumiiffimmi akuersissuteqarfiusumi aatsitassanut tunngatillugu aatsitassarsiorlutik ingerlataannit akimmisaartinneqarsinnaassanngilaq, killilersorneqarsinnaassanani imaluunniit allatut sunnernerlunneqarsinnaassanani.

Kiisalu Naalakkersuisut akuersissummut tunngatillugu pissutsinut aalajangersimasunut imaluunniit akuersissut malillugu ingerlatassanut aatsitassanik piaanissamat akuersissummi piffissamat killissaliussanik aalajangersimasunik aalajangersaanissamat piginnaatinneqartut, siunnersuummi erseqqissarneqarpoq. Tamannalu suliaqarnissap piviunngortinneqarnissaa aammalu pisinnaatitsissummik pigisaqartup piaanissamat akuersissummik tunniussereernerup kingorna suliaqannginnissaata pinngitsoortinnissaata, qulakkeernissaanut Naalakkersuisunut periarfissiivoq.

Naggasiutigalugu inatsisissatut siunnersuut aammalu nassuiaatit tassunga atasut
innersuussutigissavakka.

Taamatut oqaaseqarlunga Naalackersuisut sinnerlugit siunnersuut Inatsisartunut
suliassanngortippara.